

Informasjon til ungdom og føresette om Ungdata-undersøkinga

I år blir Ungdata-undersøkinga gjennomført blant elevar på vidaregåande skular i kommunen/fylket. Undersøkinga blir gjennomført på skulen i løpet av vårhalvåret. Målet er å få ei oversikt over korleis ungdom har det, og kva dei driv med i fritida.

Føremålet med undersøkinga

- er å gje ungdom ei moglegheit til å fortelje lokale politikarar og styresmakter om korleis det er å vekse opp i dag
- er å gje kunnskap som kan brukast i kommunen og fylket sitt arbeid med å gjere oppvekstsituasjonen til ungdom betre
- er å skaffe forskingsdata for å få meir kunnskap om oppvekstsituasjonen hos unge lokalt, nasjonalt og over tid

Kva vi spør om i Ungdata

- venner, fritid og mediebruk
- familie, skule og nærmiljø
- helse, trivsel og livskvalitet
- mobbing, vald og trakassering
- regelbrot og rusmiddelbruk
- kjønn, klassetrinn og familiebakgrunn (f.eks. landbakgrunn/etnisitet, busituasjon og utdanningsnivået til dei føresette)

Korleis blir Ungdata gjennomført?

- Det er sett av éin skuletime til å svare på undersøkinga, som går føre seg med ein vaksen til stades.
- Undersøkinga blir gjennomført elektronisk ved at ein loggar seg inn på svarsida til Ungdata med ein tilfeldig eingongskode. Det er ikkje mogleg å knyte koden til personen som svarer.
- Elevane svarer ved å krysse av i spørjeskjemaet.
- Spørsmål og svara i spørjeskjemaet kan bli lesne opp for dei som ønskjer det. Då må ein bruke øyretelefonar.

Det er frivillig å delta

- Ungdommane vel sjølve om dei vil delta eller ikkje.
- Ungdommar som deltek, kan hoppe over spørsmål dei ikkje ønskjer å svare på, eller slutte å svare undervegs dersom dei ønskjer det.
- Føresette til elevar under 18 år kan reservere seg mot at ungdommen deira skal delta, ved å melde frå til kontaktlæraren/skulen før undersøkinga startar. Føresette kan få tilsendt spørjeskjemaet ved å kontakte KORUS.

Personvern

- Alle svar vil bli behandla fortruleg, og ingen enkeltpersonar vil bli kjende att når resultat frå undersøkinga skal publiserast.
- Personopplysningar vil bli oppbevarte på ein sikker stad der berre eit avgrensa tal på personar har tilgang. Ved årsskiftet fem år etter at undersøkinga er avslutta, blir data anonymiserte og arkiverte for vidare bruk i forskings- og utviklingsarbeid.
- Deltakarane har rett til å be om å få sjå kva for personopplysningar som er registrerte om dei, og dei kan også be om å få data retta eller sletta. Sjansen er liten for at slike rettar kan oppfyllest, sidan namn eller andre direkte personopplysningar ikkje blir samla inn. Deltakarane har rett til å protestere og klage til Datatilsynet.
- Det rettslege grunnlaget for å behandle personopplysningar er at Ungdata tek vare på viktige samfunnsinteresser, og at føremålet er forskning.
- Personverntenesta Sikt (personverntjenester@sikt.no) har vurdert at behandlinga av personopplysningar er i samsvar med personopplysningsloven.
- [Les meir om personvern og forskningsetikk på nettsidene til Ungdata www.ungdata.no/personvern/](http://www.ungdata.no/personvern/)

Beredskap

Skulehelsetenesta vil vere klar med beredskap etter undersøkinga for dei som måtte trenge det.

Ansvarleg for undersøkinga

Undersøkinga blir gjennomført av velferdsforskningsinstituttet NOVA ved OsloMet – storbyuniversitetet og det regionale kompetansesenteret på rusfeltet (KORUS) på oppdrag frå kommunen.

Kontaktinformasjon

Spørsmål om personvern:

Kontakt prosjektleiaren i NOVA: ungdata@oslomet.no. Du kan også kontakte personvernombudet ved OsloMet: personvernombud@oslomet.no.

[Du finn meir informasjon om undersøkinga på nettsidene til Ungdata på www.ungdata.no/informasjon-til-ungdom-og-foresatte/](http://www.ungdata.no/informasjon-til-ungdom-og-foresatte/)

Kontakt skulen eller regionalt KORUS for meir informasjon om undersøkinga.